

ხელშეკრულება №02.485.01
სახელმწიფო შესყიდვის შესახებ
(ელექტრონული ტენდერი NAT200010936)

ქ. თბილისი

„21“ სექტემბერი, 2020 წ.

ერთის მხრივ, საქართველოს შსს სსიპ - საზოგადოებრივი უსაფრთხოების მართვის ცენტრი „112“ (მის: ქ. თბილისი, ლისის ქ. N1^ა, საბანკო რეკვიზიტები: სახელმწიფო ხაზინა, კოდი - TRESGE22, საიდ. კოდი - 205390487), შემდგომში წოდებული „შემსყიდველად“, წარმოდგენილი დირექტორის გიორგი არსოშვილის სახით და მეორეს მხრივ

მიმწოდებელი: შპს „ვეზირი“, საიდენტიფიკაციო კოდი: 204892296

მისამართი, ტელეფონი: ქ. თბილისი, ლ. ანდრონიკაშვილის N7; 598 202 727; davit.antadze@veziri.net

დირექტორი: პაატა აროშიძე

საბანკო რეკვიზიტები: სს „საქართველოს ბანკი“; ბ/კ: BAGAGE22; ა/ნ: GE26BG 0000 0001 7129 4000

ორივე ერთად წოდებული როგორც „მხარეები“, ვმოქმედებთ რა საქართველოს კანონმდებლობისა და „სახელმწიფო შესყიდვების შესახებ“ საქართველოს კანონის შესაბამისად, ვთანხმდებით სახელმწიფო შესყიდვის შესახებ ხელშეკრულების პირობებზე და სახელმწიფო შესყიდვის შესახებ ხელშეკრულების დადების თაობაზე.

1. გამოყენებული ტერმინების განმარტება

- 1.1 „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) - შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც დამოწმებულია მხარეთა მიერ კვალიფიციური ელექტრონული ხელმოწერით და/ან კვალიფიციური ელექტრონული შტამპით, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები;
- 1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3 „შემსყიდველი ორგანიზაცია“ (შემდგომ „შემსყიდველი“) - ორგანიზაცია (დაწესებულება), რომელიც ახორციელებს შესყიდვას;
- 1.4 „მიმწოდებელი“ - პირი, რომელიც ახორციელებს შესყიდვის ობიექტის მიწოდებას ამ ხელშეკრულების ფარგლებში;
- 1.5 „დღე“, „კვირა“, „თვე“ - კალენდარული დღე, კვირა, თვე;
- 1.6 „შესყიდვის ობიექტი“ - წინამდებარე ხელშეკრულების მე-2 მუხლით გათვალისწინებული ხელშეკრულების საგანი;
- 1.7 „ტექნიკური დოკუმენტაცია“ - მიმწოდებლის მიერ NAT200010936 ელექტრონულ ტენდერში სატენდერო წინადადებით წარმოდგენილი ტექნიკური დოკუმენტაცია, რომელიც თან ერთვის ხელშეკრულებას, როგორც მისი განუყოფელი ნაწილი.
- 1.8 მოცემულ ხელშეკრულებაში გამოყენებული ტერმინები ატარებენ იმავე მნიშვნელობებს, რაც მათ აქვთ მინიჭებული ხელშეკრულების პირობებში.

2 ხელშეკრულების საგანი და ღირებულება

- 2.1 წინამდებარე ხელშეკრულების დანართი N1-ის (ფასთა ცხრილი) შესაბამისად, ვიდუო მენეჯმენტის პროგრამული უზრუნველყოფის ლიცენზიები თანმდევი მომსახურებით (ტექნიკური მხარდაჭერა) (CPV - 48500000).
- 2.2 ხელშეკრულების ღირებულება: 538 800.00 (ხუთას ოცდათვრამეტი ათას რვაასი) ლარი.
- 2.3 დაფინანსების წყარო - 2020 წლის საკუთარი შემოსავლები.
- 2.4 ხელშეკრულების ღირებულება მოიცავს, როგორც შესყიდვის ობიექტის ღირებულებას, ასევე წინამდებარე ხელშეკრულების შესრულებასთან დაკავშირებით, მიმწოდებლის მიერ შესყიდვის ობიექტის მიწოდებისთვის საჭირო ყველა ხარჯს (მათ შორის ტრანსპორტირება) და საქართველოს კანონმდებლობით გათვალისწინებულ სხვა გადასახადებს (დღგ-ს ჩათვლით).

3 ხელშეკრულების არსებითი პირობები

- 3.1 მიმწოდებელი იღებს ვალდებულებას შემყიდველს მიაწოდოს შესყიდვის ობიექტი წინამდებარე ხელშეკრულებით განსაზღვრული დანართი N1-ით (ფასთა ცხრილი) განსაზღვრულ ვადებში და ადგილზე.
- 3.2 შემსყიდველი იღებს ვალდებულებას აუნაზღაუროს მიმწოდებელს ხელშეკრულების ღირებულება ხელშეკრულების პირობებში ასახულ ვადებში და ფორმით.

4 ხელშეკრულების მოქმედების ვადა

წინამდებარე ხელშეკრულება ძალაშია ამ დოკუმენტის თავში მითითებული თარიღიდან და მოქმედებს 2021 წლის 25 ნოემბრის ჩათვლით.

5 შესყიდვის ობიექტის მიწოდების პირობები, ვადა და ადგილი

- 5.1 მიმწოდებელი ვალდებულია უზრუნველყოს ხელშეკრულებით გათვალისწინებული შესყიდვის ობიექტის მიწოდება დანართი N1-ით განსაზღვრული პირობების შესაბამისად.
- 5.2 შესყიდვის ობიექტის მიწოდების ადგილი: ქ. თბილისი შემსყიდველის მოთხოვნის შესაბამისად.
- 5.3 შემსყიდველი უფლებამოსილია ხელშეკრულების ძალაში შესვლიდან, მიწოდების სრულად განხორციელებამდე, ნებისმიერ ეტაპზე მოთხოვნის მიმწოდებელს შესყიდვის ობიექტის/მისი შემადგენელი ნაწილის მიწოდებასთან ან/და დამზადებასთან დაკავშირებული ინფორმაცია.
- 5.4 მიმწოდებელი ვალდებულია განახორციელოს უფლებრივად და ნივთობრივად უნაკლო შესყიდვის ობიექტის მიწოდება მოქმედი ყველა საჭირო ნორმების, სტანდარტების, წესებისა და მოთხოვნების დაცვით.

6 ტექნიკური მხარდაჭერა და ტრენინგი

- 6.1 მიმწოდებელი ვალდებულია უზრუნველყოს პროგრამული უზრუნველყოფის ტექნიკური მხარდაჭერა (Support), მწარმოებელი კომპანიის უშუალო ზედამხედველობითა და მონაწილეობით.
- 6.2 ტექნიკური მხარდაჭერა (Support) უნდა უზრუნველყოფოს განახლების, მიწოდებისა და ინტეგრაციის შემდეგ, მიღება-ჩაბარების აქტის გაფორმებიდან 12 თვის განმავლობაში.
- 6.3 ტექნიკური მხარდაჭერა (Support) უნდა მოხდეს 24/7 რეჟიმში.
- 6.4 ტექნიკური მხარდაჭერის (Support) პერიოდში უზრუნველყოს შემსყიდველის ხელთ არსებული სხვადასხვა ანალიტიკური პროგრამული უზრუნველყოფების Milestone Xprotect Corporate პროგრამულ უზრუნველყოფაში, ინტეგრაციაში მხარდაჭერა.
- 6.5 ტექნიკური მხარდაჭერის (Support) პერიოდში მიმწოდებელი ვალდებულია:
 - 6.5.1 ელექტრონული შეტყობინების მიღებისთანავე, აღმოფხვრას ნებისმიერი ხარვეზი დაუყოვნებლივ, მაგრამ არა უმეტეს 5 (ხუთი) კალენდარული დღისა. თუ პროგრამული უზრუნველყოფის ხარვეზი არ აღმოფხვრა აღნიშნულ ვადაში, შემსყიდველის მითითებით, მიმწოდებელი ვალდებულია საკუთარი ხარჯით უზრუნველყოს ანალიტიკური პროგრამის მწარმოებელი კომპანიის სათანადოდ უფლებამოსილი სპეციალისტის საქართველოში ჩამოყვანა;
 - 6.5.2 შემსყიდველის მიზნით ხარვეზის დაუყოვნებლივ აღმოფხვრის შეუძლებლობის შემთხვევაში, მიმწოდებელი ვალდებულია ხარვეზი გამოსაწოროს შემსყიდველის მიერ დამაბრკოლებელი პირობის აღმოფხვრიდან პირველივე შესაძლებლობისთანავე;
 - 6.5.3 ყველა ღონე იხმაროს ანალიტიკურ პროგრამულ უზრუნველყოფასთან და სერვერებთან დაკავშირებული ნებისმიერი ხასიათის ხარვეზის აღმოსაფხვრელად და უზრუნველყოს ანალიტიკური პროგრამის გამართული ფუნქციონირება, შემსყიდველის მხრიდან დამატებითი ხარჯების გაწევის გარეშე;
 - 6.5.4 უზრუნველყოს ანალიტიკური პროგრამის ახალი ვერსიების მოწოდება, ინსტალაცია და გამართვა მწარმოებლის მიერ ასეთი ვერსიის გამოშვებიდან არაუგვიანეს 30 (ოცდაათი) კალენდარული დღისა. ასევე, მასთან დაკავშირებული ყველაწარმოებული ცვლილების დოკუმენტური გადმოცემა შემსყიდველის მიერ დამატებითი ხარჯის გაწევის გარეშე;
 - 6.5.5 გაუწიოს შემსყიდველს კონსულტაცია პროგრამული უზრუნველყოფის ექსპლუატაციასთან დაკავშირებულ საკითხებში;
- 6.6 მიმწოდებლის ამ მუხლით განსაზღვრული ვალდებულების შეუსრულებლობის შემთხვევაში შემსყიდველს უფლება აქვს მოსთხოვოს მიმწოდებელს შესაბამისი ხარჯების ანაზღაურება.
- 6.7 მიმწოდებელმა პროგრამული განახლების შემდგომ უნდა უზრუნველყოს შსს სსიპ საზოგადოებრივი უსაფრთხოების მართვის ცენტრი „112“-ის მინიმუმ 4 თანამშრომლისთვის ტრენინგის ჩატარება.
- 6.8 ტრენინგი უნდა დაიწყოს პროგრამული უზრუნველყოფის განახლების, მიწოდებისა და ინტეგრაციის შემდეგ, მიღება-ჩაბარების აქტის გაფორმებიდან 30 დღის განმავლობაში.
- 6.9 ტრენინგი უნდა ჩაატაროს მწარმოებლის მიერ სერთიფიცირებულმა კადრებმა.
- 6.10 ტრენინგი შეიძლება ჩატარდეს როგორც საქართველოში ისე მის ფარგლებს გარეთ. საქართველოს ფარგლებს გარეთ ტრენინგის ჩატარების შემთხვევაში, მიმწოდებელი ვალდებულია უზრუნველყოს ყველა ხარჯის ანაზღაურება (მგზავრობის და ცხოვრების ხარჯის ჩათვლით).
- 6.11 ტრენინგი უნდა მოიცავდეს ყველა საჭირო და აუცილებელ ინფორმაციას პროგრამის, მისი ინსტალაციის და გამართული ფუნქციონირებისათვის. ასევე, შესაძლო ხარვეზების აღმოფხვრის ან ხარვეზის გაჩენის პრევენციის და სხვა მნიშვნელოვანი საკითხების შესახებ.
- 6.12 ტესტირების შედეგების გათვალისწინებით ტრენინგის მონაწილეებზე უნდა გაიცეს შესაბამისობის სერთიფიკატი.

7 ხელშეკრულების შესრულების კონტროლი, ინსპექტირების ჯგუფი

- 7.1 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს შესაბამისი უფლებამოსილი პირ(ებ)ი.
- 7.2 კონტროლის განმახორციელებელი პირ(ებ)ი შესყიდვის ობიექტის მიწოდების ინსპექტირებას ახდენს სისტემატიურად, საკუთარი შეხედულებისამებრ.
- 7.3 კონტროლი ხორციელდება როგორც შუალედური ფორმით - შესყიდვის ობიექტის მიწოდების პროცესში, ისე მისი დამთავრების შემდგომ.
- 7.4 შემსყიდველი იტოვებს უფლებას, ხელშეკრულების მიმდინარეობის ნებისმიერ ეტაპზე მოახდინოს დამატებითი კვლევა.

- 7.5 მიმწოდებელი ვალდებულია ხელი შეუწყოს შემსყიდველს ხელშეკრულების პირობების შესრულების კონტროლის განხორციელებაში და განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე.
- 7.6 მიმწოდებელი ვალდებულია საკუთარი ხარჯებით უზრუნველყოს ინსპექტირების შედეგად გამოვლენილი ყველა დეფექტის ან ნაკლის აღმოფხვრა.

8 შესყიდვის ობიექტის მიღება-ჩაბარების წესი

- 8.1 მისაწოდებელი შესყიდვის ობიექტი ან მისი ნაწილი ჩაითვლება მიღებულად მხოლოდ მიღება-ჩაბარების აქტის გაფორმების შემდეგ.
- 8.2 ამ ხელშეკრულების მიზნებისათვის მიწოდებულ საქონლად არ ითვლება წუნდებული ან ხელშეკრულებით გათვალისწინებულ მოთხოვნებთან შეუსაბამო მიწოდებული საქონელი. ასეთ შემთხვევაში აღნიშნულზე მიღება-ჩაბარების აქტი არ ფორმდება.
- 8.3 შემსყიდველის მხრიდან, მიღება-ჩაბარებას ახორციელებს ამისათვის სათანადოდ უფლებამოსილი პირ(ებ)ი.
- 8.4 შესყიდვის ობიექტის (მისი ნაწილის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

9 ანგარიშსწორება

- 9.1 შემსყიდველი ვალდებულია აანაზღაუროს მიწოდებული შესყიდვის ობიექტის ღირებულება ხელშეკრულებით გათვალისწინებულ ვადაში და პირობებით;
- 9.2 ანგარიშსწორების ფორმა იქნება უნაღდო;
- 9.3 ანგარიშსწორება მოხდება ლარებში;
- 9.4 ანგარიშსწორება შემსყიდველის მიერ განხორციელდება ეტაპობრივად, ფაქტიურად მიწოდებულ შესყიდვის ობიექტზე მიღება-ჩაბარების აქტის გაფორმებისა და საქართველოს კანონმდებლობის შესაბამისად, ანაზღაურებისათვის სათანადო დოკუმენტაციის (შესაბამისი საგადასახადო ანგარიშ-ფაქტურისა და ზედნადების გამოწერის) წარმოდგენის შემდეგ არაუგვიანეს 10 (ათი) სამუშაო დღის განმავლობაში;

10 ხელშეკრულების შესრულების უზრუნველყოფის გარანტია

- 10.1 ხელშეკრულების შესრულების უზრუნველყოფის მიზნით მიმწოდებლის მიერ წარმოდგენილია ხელშეკრულების უზრუნველყოფის უპირობო გამოუთხოვადი საბანკო გარანტია, რომელიც წარმოადგენს ხელშეკრულების განუყოფელ ნაწილს. საგარანტიო დოკუმენტის პირობების თანახმად, გარანტი უპირობოდ და გამოუთხოვადად კისრულობს საგარანტიო თანხის სრული ოდენობით გადახდას, მიმწოდებლის მიერ წინამდებარე ხელშეკრულების პირობების დარღვევის საფუძველზე, ბენეფიციარის პირველივე მოთხოვნისთანავე.
- 10.2 ხელშეკრულების უზრუნველყოფის უპირობო გამოუთხოვადი საბანკო გარანტიის (PE48047-20; ცვლილება 001) ოდენობა განისაზღვრება ხელშეკრულების ჯამური ღირებულების 5%-ის ოდენობით. გარანტიის თანხა შეადგენს 26 940.00 (ოცდაექვსი ათას ცხრაას ორმოცი) ლარს და მისი მოქმედების ვადა განისაზღვრება 2022 წლის 01 იანვრის ჩათვლით.
- 10.3 მიმწოდებლის მიერ ხელშეკრულებით ნაკისრი ვალდებულების სრულად შესრულების შემდეგ შემსყიდველი ორგანიზაცია ვალდებულია დაუბრუნოს საბანკო გარანტია ან/და მასთან დაკავშირებული დოკუმენტაცია მოთხოვნიდან 14 დღის განმავლობაში
- 10.4 მიმწოდებლისაგან დამოუკიდებელი მიზეზების გამო ხელშეკრულების შეწყვეტის შემთხვევაში შემსყიდველი ვალდებულია მიმწოდებელს მოთხოვნიდან 14 დღის განმავლობაში დაუბრუნოს ხელშეკრულების შესრულების უზრუნველყოფის საბანკო გარანტია.
- 10.5 გარანტია უნდა იყოს უპირობო, ე.ი. გარანტიით გათვალისწინებული თანხები შემსყიდველმა უნდა მიიღოს ყოველგვარი დამატებითი განმარტებისა და მტკიცებულების წარდგენის გარეშე, პირველი მოთხოვნისთანავე.

11 ხელშეკრულებაში ცვლილებების შეტანა

- 11.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შეთანხმების გარდა.
- 11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 11.3 დაუშვებელია ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა, "სახელმწიფო შესყიდვების შესახებ" საქართველოს კანონის და სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანების „ელექტრონული ტენდერის ჩატარების წესის დამტკიცების შესახებ“ მოთხოვნათა გათვალისწინებით.
- 11.4 ფასის გაზრდა შესაძლებელია საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში. ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

- 11.5 ხელშეკრულების ღირებულების შემცირება დასაშვებია ფაქტობრივად მიწოდებული შესყიდვის ობიექტის ღირებულების გათვალისწინებით.
- 11.6 ხელშეკრულების პირობების ნებისმიერი ცვლილება, რომელიც განხორციელებულია ამ მუხლის მოთხოვნათა დაცვით, წარმოადგენს ხელშეკრულების განუყოფელ ნაწილს.

12 ხელშეკრულების პირობების შეუსრულებლობა

- 12.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები.
- 12.2 ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების (გარდა შესრულების ვადის დარღვევისა) შემთხვევაში მიმწოდებელს დაეკისრება ჯარიმის გადახდა ყოველ ჯერზე ხელშეკრულების ღირებულების **1%-ის** ოდენობით.
- 12.3 ხელშეკრულებით ნაკისრი ვალდებულებების შესრულების ვადის, მათ შორის ხარვეზის აღმოფხვრის ან/და ნაკლის გამოსწორებისათვის განსაზღვრული ვადის გადაცილებისათვის მიმწოდებელს დაეკისრება პირგასამტეხლოს გადახდა ყოველ ვადაგადაცილებულ დღეზე ხელშეკრულების ღირებულების **0.1%-ის** ოდენობით.
- 12.4 ხელშეკრულების შეწყვეტის შემთხვევაში მიმწოდებელს სრულად ჩამოერთმევა ხელშეკრულების შესრულების უზრუნველყოფის გარანტია.
- 12.5 საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 1 (ერთი) თვის ვადაში.
- 12.6 ხელშეკრულებით გათვალისწინებული ანგარიშსწორების ვადის გადაცილებისათვის მიმწოდებელი უფლებამოსილია შემსყიდველს დააკისროს პირგასამტეხლო ყოველ ვადაგადაცილებულ დღეზე, მიმწოდებლისათვის ჩასარიცხი თანხის **0.50%-ის** ოდენობით.
- 12.7 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

13 ხელშეკრულების შეწყვეტა

- 13.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში, მეორე მხარეს შეუძლია მიიღოს გადაწყვეტილება ხელშეკრულების ცალმხრივად შეწყვეტის შესახებ.
- 13.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.
- 13.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.
- 13.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.
- 13.5 შემსყიდველს უფლება აქვს მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:
- ა) მიმწოდებლის მიერ შესყიდვის ობიექტის მიწოდების ვადის 20 კალენდარულ დღეზე მეტი ვადით გადაცილების შემთხვევაში; ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- გ) საქართველოს კანონმდებლობით გათვალისწინებულ სხვა შემთხვევებში, მათ შორის მიმწოდებლის მიერ ხელშეკრულებით ნაკისრი ვალდებულების ნებისმიერი ისეთი დარღვევის დროს, რაც შეუძლებელს ხდის ნორმალური სახელშეკრულებო ურთიერთობის გაგრძელებას, ან იწვევს შემსყიდველის ინტერესის დაკარგვას სახელშეკრულებო ურთიერთობის გაგრძელებისადმი.
- 13.6 ამ მუხლის პიკრელი და მე-5 პუნქტებში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიწოდებული საქონლის ღირებულება.

14 ფორს-მაჟორი

- 14.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.
- 14.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

- 14.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.
- 14.4 იმ შემთხვევაში, თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.
- 14.5 შემსყიდველი ორგანიზაციისათვის ამ მუხლით განსაზღვრული ფორს-მაჟორული გარემოება მხედველობაში მიიღება მხოლოდ იმ შემთხვევაში, თუ მიმწოდებელი წარმოადგენს საქართველოს სავაჭრო-სამრეწველო პალატის მიერ, ფორს-მაჟორული გარემოების დადასტურების/დამოწმების შესახებ შესაბამის დოკუმენტაციას.

15 სადაო საკითხების გადაწყვეტა

- 15.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ორგვლივ.
- 15.2 თუ ასეთი მოლაპარაკებების დაწყებიდან 30 (ოცდაათი) კალენდარული დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს საერთო სასამართლოს.

16 სხვა დებულებები

- 16.1 ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.
- 16.2 ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.
- 16.3 „ხელშეკრულების“ მუხლ(ებ)ი, პუნქტ(ებ)ი დანომრილია და დასათაურებულია მხოლოდ მოხერხებულობისათვის და ამ ფაქტს „ხელშეკრულების“ ინტერპრეტაციისათვის მნიშვნელობა არ ენიჭება. მუხლ(ებ)ის, პუნქტ(ებ)ის ან/და ქვეპუნქტ(ებ)ის დასათაურებაში ან დანომვრაში ცდომილების/სხვაობის არსებობის შემთხვევაში, გამოიყენება ამავე მუხლ(ებ)ის, პუნქტ(ებ)ის ან/და ქვეპუნქტ(ებ)ის შესაბამისი შინაარსის მქონე მუხლ(ებ)ი, პუნქტ(ებ)ი ან/და ქვეპუნქტ(ებ)ი.
- 16.4 „ხელშეკრულების“ ტექსტში მექანიკური ან/და ტექნიკური შეცდომის ან/და ხარვეზის არსებობის შემთხვევაში „მხარეთა“ მიერ, აღნიშნული შეცდომა ან/და ხარვეზი განხილული და განმარტებული უნდა იყოს „ხელშეკრულების“ შესაბამისი წინადადების (წინადადებების) ან/და შინაარსიდან გამომდინარე. იმ შემთხვევაში, თუ აღნიშნული შეცდომა ან/და ხარვეზი არ შეესაბამება „ხელშეკრულების“ სათანადო წინადადებას/წინადადებებს ან შინაარსს, მას (ხარვეზი/შეცდომა) „ხელშეკრულების“ შინაარსის განმარტებასთან დაკავშირებით არ ექნება (არ მიენიჭება) რაიმე მნიშვნელობა.

N	მომსახურების დასახელება	საქონლის ძირითადი მახასიათებლები (მწარმოებლისა და წარმოშობის ქვეყნის მითითებით)	ზომის ერთეულ ი	რაოდენობა	ერთ. ღირ. დღეს ჩათვლით (ლარი)	საერთო ღირებულება დღეს- ჩათვლით (ლარი)	მხარდაჭერის პერიოდი	მიწოდების ვადა	საქონლის მიწოდების/მომსახ ურების გაწევის ადგილი
1	მენეჯმენტის პროგრამული უზრუნველყოფის (Milestone XProtect Corporate 2018 R3) კამერის ლიცენზიები მწარმოებლის მიერ ოფიციალურად დადასტურებული ბოლო ვერსია (Corporate ვერსიის ფარგლებში გათვალისწინებული სრული ფუნქციონალით თანმდევი მომსახურება: ტექნიკური მხარდაჭერა (Support) - 600 ცალი One year Care Plus for XProtect Corporate Device License	600 ცალი ფიდერ სისტემების პროგრამული უზრუნველყოფის (Milestone XProtect Corporate 2018 R3) კამერის ლიცენზიები მწარმოებლის მიერ ოფიციალურად დადასტურებული ბოლო ვერსია (Corporate ვერსიის ფარგლებში გათვალისწინებული სრული ფუნქციონალით), 600 ცალი, 12 თვიანი ტექნიკური მხარდაჭერით (One year Care Plus for XProtect Corporate Device License). მწარმოებელი: Milestone Systems A/S (მაილსტოუნ სისტემს ა/ს) წარმოშობის ქვეყანა: დანია შსს სსიპ საზოგადოებრივი უსაფრთხოების მართვის ცენტრი „112“-ის 4 თანამშრომლის ტრეინინგის ჩატარება, პროგრამული უზრუნველყოფის განახლების, მიწოდებისა და ინტეგრაციის შემდეგ, მიღება-ჩაბარების აქტის გაფორმებიდან 30 დღის განმავლობაში.	ცალი	600	898.00	538800.00	შემსყიდველის მიერ შესაბამისი მხარდაჭერის გააქტიურებიდან 6 12 თვის განმავლობაში	ხელშეკრულების გაფორმებიდან არაუგვიანეს 30 (ოცდაათი) კალენდარული დღის განმავლობაში.	ქ. თბილისი, ლისის ქ. N1 ³
სულ ჯამი:						538800.00			